

漢魏六朝百三家集

隋五人

第一百冊

盧武陽集

壽考堂藏板

盧武陽集題詞

盧子行自齊入周作聽蟬詩遷武陽
太守作孤鴻賦淪滯官塗作勞生論
憂愁所寄並爲時稱然譚世變刺炎
涼論乃獨出矣劉孝標傷任昉諸子
流離著廣絕交論痛言五交三釁世

路險巇過于太行孟門子行自慨蹇
產詆斥物情榮瘁冰炭足使五侯喪
魂六貴飲泣文人之筆鬼魅牛馬皆
可畫也論北齊毀武成論後周毀天
元暴揚淫昏發露諂惡君百桀紂臣
百廉虎陽秋直筆殆云無隱然生官

其朝沒揚其醜搜床席以快見聞貶
朽骨以恣河漢良史雖傳臣心未順
異乎賈生過秦陸機辯吳矣子行詩
兼工七言唐玄宗自蜀回登勤政樓
歌曰庭前琪樹已堪攀塞北征人去
未還卽盧薊北歌詞也唐風近隋盧

薛諸體世尤宗尚含蓄意寡而音響
無滯自以爲昆吾莫邪爾

婁東張溥題

盧武陽集目錄

賦

孤鴻賦

有序

納涼賦

檄

爲隋檄陳文

表

北齊爲百官賀甘露表

書

爲高僕射與司馬消難書

序

從駕大慈照寺詩序

論

北齊興亡論

後周興亡論

誄

盧記室誄

祭文

祭灤湖文

文

遼陽山寺願文

樂府

有所思

日出東隅行

擢歌行

美女篇

河曲遊

升天行

神仙篇

城南隅讌

蜀國弦

採蓮曲

從軍行

詩

駕出園上

贈李若

贈別司馬幼之南聘

贈劉儀同西聘

遊梁城

從駕經大慈照寺

春夕經行留侯墓

上巳禊飲

夜聞鄰妓

賦得珠簾

彭城王挽歌

盧武陽集
目錄
樂平長公主挽歌

後園宴

聽鳴蟬篇

附錄

本傳

盧武陽集目錄終

盧武陽集卷全

隋范陽盧思道著

明太倉張東溥閱

賦

孤鴻賦

有序

余志學之歲、自鄉里遊京師、便見識知音、歷受羣公之眷、年登弱冠、甫就朝列、談者過誤、遂竊虛名、通人楊令君、邢持進已下、皆分庭致禮、倒屣相接、翦拂吹噓、長其光價、而才本駑拙、性實

疎嬾、勢利貨殖、淡然不營、雖籠絆朝市、且三十
載、而獨往之心、未始去懷抱也、攝生舛和、有少
氣疾、分符坐嘯、作守東原、洪河之湄、沃野彌望、
唧務旣屏、魚鳥爲鄰、有離羣之鴻、爲羅者所獲、
野人馴養、貢之於余、置諸池庭、朝夕賞翫、旣用
銷憂、兼以輕疾、大易稱鴻漸于陸、羽儀盛也、楊
子曰、鴻飛冥冥、騫翥高也、淮南云、東歸碣石、違
溽暑也、平子賦曰、南寓衡陽、避祁寒也、若其雅
步清音、遠心高韻、鵠鷺以降、罕見其儔、而鍛融

牆陰偶影獨立、唼喋粃粃、鷄鶩爲伍、不亦傷乎。
余五十之年、忽焉已至、永言身事、慨然多緒、乃
爲之賦、聊以自慰云、其詞曰、

惟此孤鴻、擅奇羽蟲、實稟清高之氣、遠生遼碣、
之東、毳毛將落、和鳴順風、壯冰云厚、矯翅排空、
出島嶼之緜邈、犯霜露之溟濛、驚絳魚之密網、
畏落鴈之虛弓、若其斗柄東指、女夷司月、乃遙
集于寒門、遂輕舉于玄闕、至如天高氣肅、搖落
在時、旣嘯僑于淮浦、亦弄吭於江湄、摩赤霄以

凌厲乘丹氣之威夷、遡商飈之嫋嫋、翫陽景之
遲遲、彭蠡方春、洞庭初綠、理翮整翰、羣浮侶浴、
振雪羽而臨風、掩霜毛而候旭、歷江湖之菁藻、
飫原野之菽粟、行離離而高逝、響嚙嚙而相續、
絜齊國之冰統、皓密山之華玉、若乃晨沐清露、
安趾徐步、夕息芳洲、延頸乘流、違寒競逐、浮阮
水宿、避暑言歸、絕漢雲飛、望玄鵠而爲侶、比朱
鷺而相依、倦天衢之漠漠、降河渚之芳菲、忽值
羅人設網、虞者懸機、永辭寥廓、蹈迹重圍、始則

窘束籠樊、憂憚刀俎、靡軀絕命、恨失其所、終乃
馴狎園庭、栖記池籩、稻梁爲惠、恣其容與、于是
翕羽宛頸、屏氣銷聲、滅煙霞之高想、闕江海之
幽情、何時驤首奮翼、上凌太清、騫翥鼓舞、遠薄
層城、惡禽視而不貴、小鳥顧而相輕、安控地而
無耻、豈冲天之復榮、若夫圖南之羽、偉而去羨、
栖睫之蟲、微而不賤、各遂性于天壤、弗企懷以
交戰、不聽咸池之樂、不饗太牢之薦、匹晨雞而
共飲、偶野鳧以同膳、匪揚聲以顯聞、甯校體而